

# Dava Yauzcuz Yienjheiq Ndeiyawj

Mboengqneix, Dava Yauzcuz Swciyen ciengz nduj comz yienjheiq “haemh Dazhouj • cingz Bunuj” youq aen cin iq Dazhouj aen yienh neix yienj. Comzyienj cezmuz neiyungz fungfouq, hingzik lai yiengh. Cawz miz gofoux Yauzcuz 《Aeu Bawxmoq》《Cuengh Swix Yauz Gvaz》《Fungcingz Bunuj Ceiq Angj》le, feihyiz cezmuz 《Foux Aennyenz》《Riu Laeuj》《Len-dangz》daengj hix youq yienhciegz yienj, hawj bouxhek haeuj gyawj roxnyinh gij fungcingz mbouj doengz feihyiz vwnzva.

Ciuq cam rox, vih caenh’ itbouh fungfouq gij hozdung lijoyuz vwnzva aen cin iq Dazhouj, coicaenh minzcuz

doxgiet, saenqhwnz gij cingsaenz minzcuz, doidoengh gizdieg vwnzva lijoyuz ginghci canjnieb yungzhab, Dava Yenveij、Yen Cwngfuj gietdingh daj bi 2019 ndwen 7 daengz ndwen 12 youq aen gvangicangz gijgwn ndei cin iq Dazhouj comz yienjheiq. Comzyienj hozdung cujyau dwg langhbaij fungcingz Bunujyauz Dava, ciuq “aen singhgiz aen cawjdaez” cujciz guh, baujmaenh “couhcouh yienj ndeiyawj, ndwenndwen miz heiq hoengh”, yienj heiq ndei、guh gijgwn ndei hawj gyoengq vunzlai、bouxhek, hawj gyoengq vunzlai ndaej daejniemh gij fungcingz Bunujyauz Dava.

(Vangz Hanz Vuz Vanlij/吴晗 吴万里)



▲Bouxyienj yienjheiq ndeiyawj hawj vunzlai yawj.

## Gyajseizhwngq Bae Gvaq Ndwenngoenz Ginhyingz

Mboengq gyaj-seizhwngq, mbangj bohranz Liujcwngz Yen doenggvaq hawj lwnyez bae caeuq-faenh yalingyingz baihgrog lienhguh, roxnyinh gij ndwenngoenz ginhyingz, ginhsw gyaugvanh son gyoengq lwnyez hag gij cihsiz giek-daej caeuq ginwngz yienghndwn、baiz-doih、dijnwngz daengj hanghmoeg, yungh neix daeuj lienh gij eiqceiq gyoengq lwnyez, hawj gyoengqde lai rox aendoih doxgap caeuq gij yisiz guekfuengz bingsaeh.



▲Gyaugvanh son gyoengq lwnyez guh aendoih doxgap.

(Dwng Gwzyi/邓克轶)



▲ Beixnuengx Bwzguyauz langhbaij gij ndangdaenj hawj bouxhek yawjgonz.

## Ciet Yauznienz Nanzdanh Langhbaij Cien Dauq Buhvaq Bwzguyauz Hawj Vunz Maij

Ndwen 7 ngoenz 31, ciet Yauznienz Nanzdanh Yen Lijhuz Yauzcuz Yangh bi gvaq baez haenx youq dieg anceiq Lijhuz Vangzsang “cien ranz Mbanjyauz • fanh ranz Mbanjyauz” aen yienh neix banh. Ndawde, youq diegnywj langhbaij gij ndangdaenj cien dauq buhvaq Bwzguyauz cei hawj vunz maij, hawj gyoengq bouxhek gvaqyinx raixcaix, doenghgij buhvaq neix gaenq ndaej liedhaeuj guekgya gaep feihvuzciz vwnzva yizcanj mingzloeg. Bwzguyauz sibgvenq gvaq ciet Yauznienz, Bwzguyauz ndaej Lenzhozgoz Gohgyauvwnzvei Cujciz nyinhdingh baenz aen minzcuz gij vwnzva baujlouz cei caezcingj. Ciet Yauznienz dwg ngoenzciet Bwzguyauz cei miz minzcuz daegsaek ndawde aen ndeu. Binaengz seizcin dajndaem le、seizcou sou haex gaxgonq senj ngoenz ndeu guh ngoenz ciet Yauznienz. Hozdung ngoenz haenx beixnuengx Bwzguyauz gak mbanj cungj daenj buhvaq Yauzcuz moqsag gyaueget, youq dieg dingh ndei haenx ciengqgo diuqfoux, gaj gaeq gaj mou, langhbaij gij minzcuz vwnzva lai cungj lai yiengh, muzdiz dwg gyo’mbaij cojcoeng、gouzmbaenj fungsou、bauj bingzan.

(Fuz Lungzgyangz/符龙强)

## Lozcwngz:Cien Moux Makmizhouzdauz Sou Ndaej Lai Bangrenz Vunzlai Diegsenjoyouq Laisou



▲ Vunzlai cingq sou mak-mizhouzdauz.

dawzmak 400 lai moux, sou ndaej mak daengz 50 dun, 152 ranz ranzungzhoj diegsenjoyouq faenbied ndaej 2000 maenz faenhoengz. Bi 2019 dawzmak 700 lai moux, seizneix gaenq baenz sou, gujsuenq sou ndaej 1000 dun, dij 160 fanh maenz, rengzrwd gajgez gij vwndiz vunzlai diegsenjoyouq laebdaeb hwngfat.

(Liu Gvanghfuz/廖光福)

Ndwen 7 ngoenz 30, youq aen suen makmizhouzdauz ndaw nding “cien moux cien ranz” Lozcwngz Mulaujcuz Swciyen Dunghmwzn Cin Bingzloz Cunh, vunzlai cingq nyaengq sou makmizhouzdauz ndaw nding.

Ciuq cam rox, aen yienh neix aeu hawj moix ranz diegsenjoyouq moux makmizhouzdauz he dangguh canjnieb faenhoengz, moix ranz laebdaeb ndaej 10 bi. Seizneix, aen suen makmizhouzdauz ndaw nding “cien moux cien ranz” aen yienh neix gaenq ndaem makmizhouzdauz ndaw nding 1200 moux. Bi 2018 gaenq